



Broj: 13-11-4-2420/24
Sarajevo, 22.05.2024. godine

Na osnovu člana 100. stav (3) Zakona o javnim nabavkama ("Službeni glasnik Bosne i Hercegovine" br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi sljedeću

ODLUKU

I

Usvaja se blagovremena žalba žalitelja Babel d.o.o. Sarajevo, izjavljena na Odluku o poništenju postupka za javnu nabavku radova „Opremanje igrališta“ broj: 13-11-4-2420/24 od 15.05.2024. godine, objavljena na web stranici Općine dana 15.05.2024. godine.

II

Stavlja se van snage Odluka o poništenju javne nabavke broj: 13-11-4-2420/24 od 15.05.2024. godine.

III

Za najpovoljnijeg ponuđača za javnu nabavku radova „Opremanje igrališta“, po provedenom otvorenom postupku javne nabavke i na osnovu usvojene žalbe izabran je sljedeći ponuđač:

Babel d.o.o. Sarajevo

sa ukupnom cijenom od 49.997,61 KM

(slovima: četrdesetdevethiljadadevetstotinadevedesetsedam i 61/100 konvertibilne marake) sa PDV-om

IV

Po pravosnažnosti ove odluke, za njeno izvršenje zadužuje se Služba za komunalne i stambene poslove i saobraćaj.

V

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

VI

Odluka će se objaviti na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Žalitelj Babel d.o.o. Sarajevo je dana 20.05.2024. godine putem protokola ugovornog organa uložio žalbu na Odluku o poništenju postupka za javnu nabavku radova „Opremanje igrališta“ broj: 13-11-4-2420/24 od 15.05.2024. godine, objavljena na web stranici Općine dana 15.05.2024. godine.

Prije nego što se upustila u meritorno odlučivanje po žalbi, Komisija za javne nabavke roba, radova i usluga je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje se odnose na uslovljene pretpostavke u skladu sa odredbama člana 100. Zakona o javnim nabavkama BiH („Službeni glasnik BiH“ br. 39/14 i

59/22), odnosno na dopuštenost, blagovremenost, izjavljenost od strane ovlaštenog lica i lica koje ima aktivnu legitimaciju.

Ispitujući pravne pretpostavke za postupanje po predmetnoj žalbi, Komisija za javne nabavke je utvrdila da su udovoljene procesne pretpostavke za ulaganje žalbe, odnosno postupanje po istoj, te da je pristigla žalba podnesena blagovremeno, od ponuđača Babel d.o.o. Sarajevo. koji je dana 15.05.2024. godine zaprimio Odluku o poništenju postupka javne nabavke broj: 13-11-4-2420/24 od 15.05.2024. godine, te da je ista i dopuštena.

Komisija za javne nabavke roba, radova i usluga je ispitala i osnovanost uložene žalbe u kojoj se navodi kao prvi žalbeni navod sljedeće:

„... Navodi Ugovornog organa iz pobijane Odluke i Zapisnika ne odgovaraju činjeničnom stanju, odnosno apsolutnoje netačno da Žalilac - BABEL d.o.o. Sarajevo ne zadovoljava uslove tehničke i profesionalne sposobnosti koji su definisani tenderskom dokumentacijom. Naime, tačkom 7.4.1. tenderske dokumentacije, definisano je, citiramo, sljedeće:

Što se tiče tehničke i profesionalne sposobnosti, ponuđači trebaju ispunjavati sljedeće minimalne uslove:

a) Uspješno iskustvo u realizaciji najmanje 1 (jedan) ugovor, čija je složenost ista ili slična predmetu nabavke – koji se odnose na armirano betonske radove, u posljednjih 5 (pet) godina, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja;

U svrhu ispunjenosti uslova iz tačke a) ponuđači su dužni dostaviti sljedeće:

DOKAZ za a1): Spisak uspješno realizovanih ugovora, čija je složenost ista ili slična predmetu nabavke – koji se odnose na armirano betonske radove (Dokument 3).

DOKAZ za a2): 1 (jedna) potvrda o uspješnoj realizaciji ugovora, čija je složenost ista ili slična predmetu nabavke – koji se odnose na armirano betonske radove (Dokument 4).

NAPOMENA: U potvrdama mora biti jasno iskazano da su uspješno realizovani ugovori odnosili na predmet nabavke - koji se odnose na armirano betonske radove da u posljednjih 5 (pet) godina, računajući od dana objave Obavještenja o predmetnoj javnoj nabavci ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno mora da sadrži: naziv i sjedište ugovornih strana, predmet ugovora, vjedmnost ugovora, vrijeme i mjesto izvršenja ugovora, te navode o uredno izvršenim ugovorima.

Nezakonitost postupanja Ugovornog organa prilikom ocjene ponude Žalioca ogleda se u činjenici daje Ugovorni organ u tenderskoj dokumentaciji, tačkom 7.4.1. zahtjevao da ponuđači dokažu da imaju uspješno iskustvo u realizaciji najmanje 1 (jednog) ugovora čija je složenost ista ili slična predmetu nabavke - koji se odnose na armirano betonske radove, u posljednjih 5 (pet), računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, a što je Žalilac nedvosmisleno i dokazao u svojoj ponudi.

S tim u vezi, ističemo da je na stranicama 32.-34. ponude Žalioca dostavljena Referenc lista ili lista radova, na kojoj je pod rednim brojem 9. navedeno da je za potrebe Općine Novi Grad Sarajevo, BABEL d.o.o. Sarajevo izvršio rekonstrukciju i izgradnju dječijih igrališta na području Općine Novi Grad, broj ugovora 02/12-19-17318120-UG.BR. 3/22 čija je vrijednost 195.906,49 KM sa PDV-om.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Na stranici 35. ponude Žalioca dostavljena je Potvrda o realizaciji ugovora broj 02/0819-337/23 izdata od strane Općine Novi Grad Sarajevo 27.04.2023. godine, a kojom se potvrđuje sljedeće: nZa izvođača radova konzorcij Babel d.o.o. Sarajevo (Predstavnik konzorcija) i MIBRAL d.o.o. Sarajevo (Član konzorcija) realizovao ugovor broj 3. O izvođenju radova na rekonstrukciji i izgradnji dječijih igrališta na području Općine Novi Grad Sarajevo, gdje je Općina Novi Grad Sarajevo bila investitor."

U predmetnoj potvrdi, u nastavku se navodi sljedeće:

"Okvirni sporazum broj 02/12-19-17138/20 od 31.12.2020. godine - Rekonstrukcija i izgradnja dječijih igrališta na području Općine Novi Grad Sarajevo

Ugovor br. 2: 02/72-19-77318/20-Ug.br.3/22 od 03.06.2022. godine Rekonstrukcija i izgradnja dječijih igrališta na području Općine Novi Grad Sarajevo

Investitor: Općina Novi Grad Sarajevo

- Izvođač radova: Konzorcij Babel d.o.o. Sarajevo (Predstavnik konzorcija) i MIBRAL d.o.o. Sarajevo (Član konzorcija)

- Ugovorena vrijednost radova Ugovora br. 3 iznosila je 205.493,05 KM sa uračunatim PDV-om

- Vrijednost izvedenih radova prema Okončanoj situaciji za Ugovor br. 3. Iznosila je 195.906,49 KM sa uračunatim PDV-om.

- Vrijeme i mjesto izvršenja ugovora: August-Septembar 2022. Godine, Općina Novi Grad Sarajevo

- Opis izvršenih radova: Građevinski radovi (zemljani radovi, AB radovi, podopolagački radovi, ugradnja opreme/mobilijara za dječija igrališta i ograda oko igrališta),

- Svi ugovoreni radovi su završeni 30.09.2022. godine, izvedeni su shodno potpisanom ugovoru, važećim tehničkim propisima i standardima za ovu vrstu radova i u ugovorenom roku.

Sve ugovorene radove je izvršila firma BABEL d.o.o. Sarajevo.

Potvrda se izdaje na zahtjev BABEL d.o.o. Sarajevo.'

Analizom sadržaja potvrde Općine Novi Grad Sarajevo, Ugovorni organ je (ne)svjesno propustio konstatovati očiglednu činjenicu da je Žalilac dokazao svoju tehničku i profesionalnu sposobnost, u skladu sa zahtjevom iz tenderske dokumentacije, da ima uspješno realizovan 1 (jedan) ugovor čija složenost ista ili slična predmetu nabavke - koji se odnose na armirano betonske radove. Iz dostavljenog dokaza, izdatog od strane Općine Novi Grad Sarajevo, sasvim je jasno da su predmetom ugovora na koji se odnosi predmetna potvrda, bili građevinski radovi, a koji obuhvataju zemljane radove, AB radove (armirano betonske radove, opaska Žalioca), podopolagačke radove kao i ugradnju opreme/mobilijara za dječija igrališta i ograda oko igrališta.

Pored činjenice da je dostavljenom potvrdom neupitno dokazano iskustvo na izvođenju armirano betonskih radova, Žalilac je istovremeno dokazao da ima uspješno iskustvo na realizaciji istih ili sličnih ugovora kao što je i sam predmet nabavke, jer je potvrdom detaljno opisano da su radovi izvedeni u svrhu rekonstrukcije i izgradnje dječijih igrališta na području Općine Novi Grad, a što je po svojoj prirodi i karakteristikama istovjetno radovima koji su predmet nabave u ožalbenom postupku."

Razmatrajući prvi žalbeni navod, Komisija za javne nabavke roba, radova i usluga je ponovnim uvidom u dostavljenu ponudu ponuđača BABEL d.o.o. Sarajevo, a po žalbenom navodu istog, utvrdila da je ponuđač BABEL d.o.o. Sarajevo, dostavio potvrdu o realizaciji ugovora Općine Novi Grad Sarajevo broj: 02/08-19-337/23 od 27.04.2023. godine u kojoj se navodi: - Opis izvršenih radova: Građevinski radovi (zemljani radovi, AB radovi, podopolagački radovi...), kojom ispunjava uslove tehničke i profesionalne sposobnosti koji su definisani tačkom 7.4.1. tenderske dokumentacije, te je utvrdila da je ovaj žalbeni navod osnovan.

Nadalje, žalitelj Babel d.o.o. Sarajevo obrazlaže drugi žalbeni navod:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



„Žalioću je zajedno sa pobijanom Odlukom dostavljen i Zapisnik o pregledu i ocjeni ponuda broj 13-11-4-2420/24 od 09.05.2024. (u daljem tekstu: pobijani Zapisnik). Analizom sadržaja pobijanog Zapisnika, uvidjeli smo da isti nije u skladu sa članom 18. stav (1) Uputstva za pripremu modela tenderske dokumentacije i ponuda („Službeni glasnik BiH" broj 90/14 i 20/15), u daljem tekstu: Uputstvo), kojim je definisano šta sve mora sadržavati Zapisnik o pregledu i ocjeni ponuda, kako slijedi:

(7) Zapisnik o pregledu i ocjeni ponuda mora sadržavati:

- a) naziv i sjedište ugovornog organa,
 - b) predmet nabavke,
 - c) vrstu postupka javne nabavke,
 - d) evidencijski broj nabavke,
 - e) broj obavještenja o nabavci sa Portala javnih nabavki,
 - f) podatak o objavi zahtjeva za prikupljanje ponuda za nabavku usluga iz Aneksa II. Dio B Zakona, odnosno podatak o upućivanju zahtjeva za prikupljanje ponuda u skladu sa članom 8. Zakona i Pravilnika o postupku dodjele ugovora o uslugama iz Aneksa II Dio B Zakona o javnim nabavkama,
 - g) u slučaju pregovaračkog postupka s objavom obavještenja, posebne slučajeve i okolnosti iz čl. 20. i 27. Zakona koji opravdavaju korištenje tog postupka,
 - h) u slučaju takmičarskog dijaloga, posebne okolnosti iz člana 30. Zakona koje opravdavaju korištenje tog postupka,
 - i) datum početka pregleda i ocjene ponuda,
 - j) naziv i sjedište svih ponuđača, prema redoslijedu zaprimanja ponuda,
 - k) podatke o pojašnjenju u skladu sa članom 68. stav (3) Zakona,
 - l) sve informacije o pojašnjenju ponuda, ako ih je bilo,
 - m) podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke.
 - n) analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi Isključenja),
- o) naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno,
 - p) prikaz traženih i dostavljenih garancija za ozbiljnost ponude, ako je traženo,
 - r) prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda,
 - s) analitički prikaz traženih i dostavljenih dokaza profesionalne i tehničke sposobnosti ponuđača,
 - t) analizu ponuda vezano uz ispunjenje zahtjeva u pogledu opisa predmeta nabavke i tehničkih specifikacija,
 - u) podatke o ispravkama računskih grešaka u ponudama, ako ih je bilo,
 - z) naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje,
 - aa) razloge za odbijanje ponude/a zbog neprirodno niske cijene, ako je primjenjivo,
 - bb) analizu prihvatljivih ponuda prema kriteriju za izbor ponude,
 - cc) rangiranje prihvatljivih ponuda prema kriteriju za izbor ponude,
 - dd) naziv ponuđača čija je ponuda ocjenjena kao najpovoljnija i sa kojim ugovorni organ namjerava zaključiti ugovor o javnoj nabavci ili naziv jednog ili više privrednih subjekata s kojima ugovorni organ namjerava zaključiti okvirni sporazum i razlozi za njegov/njihov izbor,
 - ee) podatke o dijelu ugovora koji se daje u podugovor i podaci o podizvođaču, ako je primjenjivo,
 - ff) prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem,
 - gg) datum završetka pregleda i ocjene ponuda,
 - hh) ime, prezime i potpis osoba koje su izvršile pregled i ocjenu ponuda,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- ii) popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.).

Analizom stava (1) pozvanog člana Uputstva, u kojem je navedeno da zapisnik o pregledu i ocjeni ponuda mogu sadržavati, lako se zaključuje da se radi o imperativnoj normi, čije ispunjenje nije ostavljeno na dispoziciju Ugovorom organu, tj. u slučaju da imperativna norma nije zadovoljena, posljedica toga je materijalni nedostatak zapisnika i povreda postupka, koja kao takva za sobom povlači posljedicu poništenja zapisnika o pregledu i ocjeni ponuda.

S tim u vezi, ističemo da dostavljeni Zapisnik ne sadrži sljedeće bitne elemente, i to:

j) naziv i sjedište svih ponuđača, prema redosljedu zaprimanja ponuda, - Ugovorni organ je naveo da se iz postupka nabavke isključuje i BABEL d.o.o., bez navođenja sjedišta Žalioca. Prostim uvidom u Aktuelni izvod iz sudskog registra Žalioca, a koji je dostavljen u sklopu ponude, na strani 22., Ugovorni organ je mogao konstatovati da je skraćena oznaka firme BABEL d.o.o Sarajevo, odnosno da ista sadrži i sjedište ponuđača;

n) analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi isključenja),

o) naziv i sjedište-ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno, Ugovorni organ je naveo da se iz postupka nabavke isključuje i BABEL d.o.o., bez navođenja sjedišta Žalioca. Prostim uvidom u Aktuelni izvod iz sudskog registra Žalioca, a koji je dostavljen u sklopu ponude, na strani 22., Ugovorni organ je mogao konstatovati da je skraćena oznaka firme BABEL d.o.o Sarajevo, odnosno da ista sadrži i sjedište;

r) prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda,

s) analitički prikaz traženih i dostavljenih dokaza profesionalne i tehničke sposobnosti ponuđača, - Ugovorni organ uopšte nije naveo analitiku svih traženih i dostavljenih dokaza tehničke i profesionalne sposobnosti ponuđača

t) analizu ponuda vezano uz ispunjenje zahtjeva u pogledu opisa predmeta nabavke i tehničkih specifikacija,

z) naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje, Ugovorni organ je naveo da se iz postupka nabavke isključuje i BABEL d.o.o., bez navođenja sjedišta Žalioca. Prostim uvidom u Aktuelni izvod iz sudskog registra Žalioca, a koji je dostavljen u sklopu ponude, na strani 22., Ugovorni organ je mogao konstatovati da je skraćena oznaka firme BABEL d.o.o Sarajevo, odnosno da ista sadrži i sjedište;

Shodno tome, može se zaključiti kako Zapisnik nije pripremljen u skladu sa odredbama Uputstva, te da je isti pravno neodrživ u ovom obliku. U skladu sa naprijed navedenim, predlažemo da se isti poništi i Ugovorni organ obaveže na ponovni postupak pregleda i ocjene ponuda, posljedično čemu i na obavezu izrade novog Zapisnika, u skladu sa odredbama Uputstva i utvrđenom činjeničnom stanju na bazi dostavljenih ponuda.

U skladu sa naprijed navedenim, podsjećamo Ugovorni organ da se opći principi koriste i u postupku pravne zaštite, te s tim u vezi pozivamo isti da prilikom razmatranja ove žalbe izvrši jasnu, objektivnu i

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



nepristrasnu ocjenu svih žalbenih navoda, i da na temelju objektivnih i tenderskom dokumentacijom utvrđenih kvalifikacionih kriterija, poništi pobijanu Odluku i donese novu Odluku, kojom će za najpovoljnijeg ponuđača odabrati BABEL d.o.o. Sarajevo, kao jedinog ponuđača koji je dostavio ponudu koja zadovoljava sve zahtjeve tenderske dokumentacije.

U vezi sa navodima žalitelja, Komisija za javne nabavke roba, radova i usluga je konstatovala da je drugi žalbeni navod žalitelja neosnovan iz sljedećeg razloga:

Zapisnik o pregledu i ocjeni ponuda je sastavljen u skladu sa članom 65. stav (2) Zakona o javnim nabavkama BiH kao i sa Uputstvom za pripremu modela tenderske dokumentacije i ponuda („Službeni glasnik BiH“ broj 90/14 i 20/15), u daljem tekstu: (Uputstvo). Navedenim Zapisnikom su popunjeni podaci o otvaranju ponuda, kao i podaci o analizi ispunjenosti zahtijevanih uslova iz tenderske dokumentacije. Analize zahtijevanih uslova iz tenderske dokumentacije su vršene za svakog ponuđača zasebno, kao što je definisano Uputstvom.

Propust kao što je nenavodenje sjedišta ponuđača nije osnov za poništenje Zapisnika o pregledu i ocjeni ponuda jer se radi o neznatnoj tehničkoj greški koja nije imala nikakav uticaj na donošenje Odluke o poništenju postupka javne nabavke.

Komisija za javne nabavke roba, radova i usluga je cijeneći žalbene navode i propisani zakonski postupak, utvrdila da je žalba žalitelja BABEL d.o.o Sarajevo djelimično osnovana, te jednoglasno predlaže Općinskom načelniku da djelimično usvoji uloženu žalbu u okviru osnovanih žalbenih navoda, da stavi van snage Odluku o poništenju postupka javne nabavke broj: 13-11-4-2420/24 od 15.05.2024. godine, te postupajući u skladu sa članom 100. stav (3) donese Odluku o izboru najpovoljnijeg ponuđača Babel d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 49.997,61 KM (slovima: četrdesetdevethiljadadevetstotinadevedesetsedam i 61/100 konvertibilne marake) sa računatim PDV-om, te da se ponuđaču Babel d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama i podzakonskim aktima.

Iz navedenih razloga, primjenom člana 100. stav (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVITI:

1. Babel d.o.o. Sarajevo
2. Flex Invest d.o.o. Sarajevo
3. a/a



Općina Novo Sarajevo, ulica Zmaja od Bosne br. 53, Centar, telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zaj@nabavke.novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

